

**[Titre Lettre des Quatre-Ministres de Neuchâtel aux doyens ministres & professeurs de l'Eglise du 19 mars 1605<sup>1</sup>]**

**[Cote : AVN, GA-VV.3, f° 11r]**

Scientificques Doctes & Spectables Seigneurs.  
Nous avons entenduz tant par la Relat du *Sieur* Chambrier  
nostre député que par vos lettres, la bonne affection et  
charitable amytie que nous portez et a ceste eglise en  
nous accordant la personne de Spectable *Sieur* Jehan  
Jacquemot pour servir a Dieu et a icelle dont sommes  
estés grandement resjouys et consolles en vous remerciant  
très humblement et vous priant de tousiours vouloir  
continuer en telle charitable soing et amytie et d'autant  
que par icelle reservez que ce sera pour le temps et terme  
limitez par vos seigneurs, il vous plaise telle reserve  
estre retranchés sellon que mesmes en prions aussi vosdits  
Seigneurs supérieurs parce qu'au besoing tout ce qui  
seroit de nostre possible l'employerions très vollontiers  
pour leur en rendre et a vous tres humble service, Sur  
ceste asseurance doncque pour fin prions Dieu.

Scientificques Doctes & spectables Seigneurs vous maintenir en sa sainte et digne garde de  
Neufchastel

ce 19e Mars 1605<sup>2</sup>. /

[Adresse : ]

A Messieurs  
Messieuries les doyens ministres  
& professeurs de l'église et Classe  
de Geneve nos singuliers  
bons amis et voysins ./.

Vos bien affectionnés amis et  
voisins a vous servir.  
Les Quatre Ministraux au nom  
de conseil & comunaulte de la ville de Neufchastel ./.

---

<sup>1</sup> Date : 19 mars 1605 a.st., soit 29 mars 1605 n.st.

<sup>2</sup> Date : 19 mars 1605 a.st., soit 29 mars 1605 n.st.

**[Cote : AVN, GA-VV.3, f° 11v]**

Monsieur aÿant pleuz a Dieu visiter de [grieve]  
malladie la personne de Monsieur Roÿet ministre en ceste  
Eglize, lequel tant a cause dicelle que de son eage naÿant  
pas apparence nÿ esperance, quil puisse plus satisfaire  
a sa charge, cest pourquoÿ estant requis ÿ pourvoir  
cest principalement d'un personnage grave dauthorité  
tant pour son savoir meurs & vie affin destre respecté  
et avoir accez envers la Seigneurie & par consequent  
allendroit du magistrat de la ville. Cest pourquoÿ  
derecheff avons esté occasionnés avoir recours  
aux Magnificques Seigneurs & aux scientiffiques  
de la classe & eglise de la ville de Geneve  
noz chers anciens bons amÿs et voÿsins pour les  
prier nous en accorder charritablement ung propre  
sellon le lieu ou sommes, sans leur avoir rien osé  
prescrire, Iceux doncques nous aÿant voulluz  
tesmoigner de plus en plus, leur bonne sincere  
affection & amÿtié. Louons Dieu quilz aÿent jetté  
l'oeuil faisant Ellection de vostre personne qui n'eust  
peuz mieux rencontrér, attenduz la Cognoissance  
que tant vous que nous avons des ungs et des autres,  
Cest pourquoÿ vous prions doncques quil vous plaise  
(sellon quil vous a pleuz accepter ladite charge, comme  
en avons esté [sertioré]<sup>3</sup> par le *Sire Chambrier*). vous  
acheminer au plustost de par de ca que possible sera  
que si heussione esté asseurés du jour temps et terme  
de la commodité de *vostre* deppart avec *vostre* famille  
vous heussions mandé homme express pour vous  
accompagner et deffraÿer, ce que pour linsertitude  
n'avons peuz faire, sependant soit que *vostre* commodité  
fust vous ÿ acheminer particulièrement attendant  
que par apres avec plus grande commodité *vostre dite*  
famille vint vous trouver on que bien présentement

---

<sup>3</sup> sertioré : [latin *certior* : informé]

**[Cote : AVN, GA-VV.3, f° 12]**

puissiez venir ensemblement, estant cella a vostre obsion  
pour la despence et frais advanciéz quelque chose  
vous sera restitué sinon vous priantz nous advertir  
du jour et temps que vostre comodité seroit pourvoir  
partir affin que vous envoÿssions homme & argent  
pour vous accompagner. Et sur ce entendant vostre  
aimable responce, nous recommanderons affectueusement  
a vos bonnes graces, en priant Dieu.

Monsieur vous augmenter les siennes dignes et saintes  
de Neufchastel ce 19e mars 1605<sup>4</sup>.

A Scientiffique & spectacle  
Seigneur Monseigneur Jehan  
Jacquemot fidelle ministre de  
la parolle de Dieu a Genesve ./.

Vos bien affectionéz les sieurs  
Quatre ministraultx & conseil  
de la ville de Neufchâtel ./.

---

<sup>4</sup> Date : 19 mars 1605 a.st., soit 29 mars 1605 n.st.